

醫藥

季錄



光緒三十四年春月
寶慶經元書局校刊



北京中醫藥大學圖書館版權所

序

余素不解醫讀刀圭書輒不能終卷非忽之也以其爲道精深
密微非淺人所可意窺非躁心所可嘗試又自度聰明才力皆
有所不暇給計惟節之於起居食飲之常謹之於四時六氣之
辯於以閑嗜欲頤情志順性命以託賦於天至談醫則不敢知
誠重之也憶曩在都中吳航

陳修園先生以名孝廉宰畿輔醫名震日下嘗奉檄勘災恆山
時水沴之後疾疫大作先生采時方百餘首刊示醫者如法

診治全活無數仁心仁術其施溥矣後三十餘載余返自都門
與修全聞通志廣搜著述家言時先生已捐館數載得所撰
方書已刊行者十餘種條其目著於編其遺書存於家者哲

嗣靈石先後梓而傳之

令孫徽菴世其學精其業復取所遺醫學從眾錄八卷讐校付
剞劂重以 林戟門先生屬序於余余既歎知醫之難而何敢
言醫之易乎雖然 先生自序言之矣先爲醫士治膏盲之疾
又云此錄簡便易知頗切時用所謂醫醫者正治不若從治之
爲得也蓋必治醫者不謬其方而後受治者不戕其性此卽
先生作宰時刊方示醫之仁術也雖其言之峻而其心良苦矣
錄以從眾名非徇眾也導以可從乃所以防其不可從眾也得
此說而通之庶易言醫者或深悟其道而得所從者特因難而
見易乎願受是書而竟讀之

道光二十有五年歲在乙巳秋九月東洋和齋魏敬仲序

序

陳君徽菴以醫世其家今歲夏問予患沉疴徽菴以數劑立起之益信其學之有淵源也一日出其令祖修園先生所著醫學從眾一書示予曰此先大父晚年採擷各家之精華折衷而歸於至當堪爲初學指南將付刊以公於世請題數語可乎予受而讀之其論症則窮究根原其診脈則剖分宜忌其下藥則酌量加減取古人之成法以已意運之矯枉者不得出其範圍拘墟者有以開其神智名曰從眾實大眾之津梁也先生本吾郡通儒爲孝廉時以制藝名爲吏時以循良名而卒以醫名生前活人無算身後濟世有書徽菴承祖硯之傳不私爲枕中秘均足令人欽佩也因謹序之如此

醫學從眾目錄

卷一

真中風

類中風

癆症

虛癆續論

卷二

咳嗽

痰飲

喘促

驚悸

血症

卷三

遺精

赤白濁



南京中醫藥大學
1954
南京中醫藥大學圖書館版權所有

癰閉五淋

心痛

腹中上下諸痛

嘔吐噦

呃逆

卷四

瘕

厥

癰

狂

癰

癰瘕

疝氣

眩暈

頭痛

卷五



北京中醫藥大學圖書館版權所有
1994

隔症反胃

瘧症

痢症

痢疾續論

卷六

傷暑

腫症

消渴

腰痛

自汗盜汗

卷七

泄瀉

風痺痿

鶴膝風

腳氣

卷八



醫學從眾卷一

閩吳航陳念祖脩園甫著

次男元犀靈石參訂

心典徽菴

孫男

心蘭芝亭

全校字

真中風症

曰真者所以別乎類也、風者八方之風邪也、中者邪之自外入內也、有中經中府中藏中血脈之分、此數句與病機要發明大同小異、各有語病、余從發明而訂正之、中經外有六經之形症、中府內有便溺之阻隔、中臟者性命危、中血脈者外無六經之形症、內無便溺之阻



隔先以中經言之中經者現出六經形症太陽頭痛脊強陽明日痛

鼻乾身熱不得臥少陽胸滿口苦脇痛耳聾寒熱太陰自利腹痛或

便難少陰口渴時厥厥陰囊縮遺溺手足厥逆而面色亦現出五色

可診此風之淺也宜小續命湯加減主之小續命湯方見時方

如中風無汗惡寒依本方麻黃杏仁防風各加一倍

宜鍼至陰出血穴在足小指外側崑崙穴在足外踝後跟骨鍼透太谿

如中風有汗惡風依本方桂枝芍藥杏仁各加一倍

宜鍼風府穴在頂後入髮一寸鍼穴三分禁灸

如中風有汗身熱不惡風依本方加葛根桂枝黃芩再加一倍

宜鍼陷谷穴在足大指次指外間去陽明之賊兼刺厲兌穴在足大指次指端

去爪甲 瀉陽明之實
如韭葉

已上二症皆陽明經中風也

如中風無汗身涼依本方附子加一倍乾薑加二倍甘草加二倍

宜刺隱白

大在足大指內側
去爪甲角如韭葉

去太陰之賊

此太陰經中風也

如中風有汗無熱依本方桂枝附子甘草各加一倍

宜鍼太谿

穴在足內踝後跟骨
上陷中鍼透崑崙

此少陰經中風也

如中風六經混淆繫之於少陽厥陰或肢節攣痛或麻木不仁依本

方加羌活連翹



灸少陽之經絕骨穴

在足外踝上三寸灸五壯

以引其熱

刺厥陰之井大敦穴

在足大指甲聚毛間

刺以通其經

此少陽厥陰經中風也

又以中腑言之與傷寒腑症畧同內有便溺之阻隔宜三化湯通之

夾有經症宜防風通聖散兩解之

又以中臟言之中臟多滯九竅有唇緩失音耳聾目瞤鼻塞大小便

難之症或醒不省人事有閉脫之別

若口開爲心絕眼合或上視爲肝絕手撒爲脾絕遺尿爲腎絕汗出

如油聲如鼾睡爲肺絕及面赤如粧脈急大皆虛極陽脫不治之病

唯以三生飲一兩加人參一兩另煎濃汁調入灌之或可救十中之



一、如牙關緊閉，以烏梅浸醋擦其牙，痰塞咽喉，以稀涎散吐之，不省人事，以半夏末吹人鼻中，蓋此法爲通關所設，而藥汁方可灌入，非藉此法吐痰以愈病也。

男元犀按：不省人事，有閉症、脫症之辨，二症誤認，用藥則死生立決。

內經云：風爲百病之長也。善行而數變，或爲寒中，或爲熱中，如陽臟之人，素有內火，而風邪中之，則風乘火勢，火借風威，遂卒倒不省人事，牙關緊閉，兩手握固，雖有痰聲，非漉漉之聲，亦無湧起之勢，可用橘皮一兩，半夏一兩，入生薑汁少許煎服，或服後探吐之，隨以滌痰湯加天麻、丹參、石菖蒲、入竹瀝薑汁以開之，如外熱甚，

二便閉、可用防風通聖散及涼膈散、加石菖蒲、遠志、丹參及三化湯之類、表裏兩解之。如陰臟之人、素多內寒、而風邪中之、則風水相遭、寒水徹骨、亦猝倒不省人事、口開、手撒、尿出、臍下水冷、痰聲漉漉、如水沸之勢、急用三生飲、加人參、或用人參二兩、附子一兩、生半夏三錢、煎一鍾、入生薑汁半匙、冬蜜一蛤蜊殼、滾之、亦有得生者。若以膽南星及滌痰驅風等藥投之、如入井而下以石也。二症愈後、語言行動、定不能如常、察其水衰火衰、以六味丸、八味丸、清早服三四錢、下午服六君子湯、加麥冬三錢、乾桑葉一錢、竹瀝二蛤蜊殼最妙、蓋柔潤熄風、爲治風之秘法也。

又以中血脈言之、中血脈者、外無六經之形證、內無便溺之阻隔、非

表非裏邪無定居或偏於左或偏於右口眼喎斜半身不遂治之之法汗下俱戒唯潤藥以滋其燥靜藥以養其血則風自除宜大秦朮湯主之或偏於右者以六君子湯加竹瀝薑汁以補氣行痰祛風偏於左者以四物湯加桃仁紅花竹瀝薑汁天麻羚羊角以補血行血化痰祛風氣血兩虛者以八珍湯或十全大補湯加釣藤竹瀝薑汁以峻補之大秦朮湯

秦朮

石膏

生用各一錢半

甘草

川芎

當歸

羌活

獨活

防風

黃芩

白芍

酒炒

白芷

白朮

炒

生地

熟地

茯苓

各一錢

北細辛 三分

水煎服

滌痰湯

卽六君子湯去白朮加南星、枳實、石菖蒲、竹茹治中風痰迷心竅、舌強不能言、

口眼喎斜以牽正散主之、又以鱈魚血塗歪處、牽之便正、

又偏枯症如樹木枯去一枝而津液不能周行灌溉宜六君子湯加竹瀝等法治之久可望愈、或以六味丸、八味丸、入桑寄生、五加皮、牛膝、杜仲、以自製虎骨膠爲丸、朝吞五錢、黃酒送下、暮服前湯、可愈、

中二

中風四官脈訣

中風浮吉滑兼痰氣其或沈滑勿以風治或浮或沈而微而虛扶元治痰風木可疎浮遲者吉急疾者殂

各症方藥

三化湯

治中風內有便溺之阻隔

厚樸

大黃

枳實

羌活

各二分五分

水煎服

喻嘉言曰仲景云藥積腹中不下填竅以熄風後人不知此法每欲開竅以出其風究竟竅空而風愈熾長此安窮哉此方與愈風湯大秦芫湯皆出機要方中云是通真子所撰不知其姓名然則無名下士煽亂後人見聞非所謂一盲引眾盲耶

